

興安縣志卷二

地理志

星野 占驗附

志地理必首星野者蓋本保章氏疆域皆有分星以觀妖祥之意三光者陰陽之精氣本在地而聖人統理之故二十八舍主一十二州由來久矣天之感動必通三五其與政事俯仰近符故日變修德月變省刑星變結和分野之於政事所係豈淺鮮哉為治者於其所主之星觀時變而加修省則天官備而人政舉矣志星野

興安縣志

卷二

星野

天文分野斗牛吳牽牛蠡

周禮注

吳地斗分野今之會稽九江丹陽豫章廬江廣陵六安臨淮郡

盡吳分也

漢書地理志

自南斗十二度至須女七度為星紀於辰在丑吳越分野屬揚

州 費直說周易起斗十度

自張十七度至軫十一度為鶉首於辰在巳楚

之分野屬荊州

費直起張十三度

魏太史令陳卓及范蠡鬼谷張良諸

葛亮譙周京房張衡並云

晉書天文志

斗牽牛須女吳越揚州九江入斗一度廬江入斗六度豫章入

斗十度會稽入牛一度

吳分會稽立東陽郡其太末信安二縣地今牛屬廣信

南昌饒州

廣信南康建昌撫州臨江吉安瑞州袁州贛州南安天文斗分

野九江天文斗牛分野明志

江西布政司所屬皆斗分明史天文志

揚州管斗牛之分野兼得楚及南越之交杜佑通典

斗六星二十五度為吳之分野南昌入斗八度饒州廣信同居

七度分野圖說

北斗七星四曰權於時主水其分為吳宋史天文志

按北斗七星為天之樞在二十八宿之外從無分野之說并其居所在北廣信等郡在東南懸隔遠絕宋史所云其分為吳者殆就北斗一宿所照臨而言天官書所云運乎中央臨制四鄉第四星曰權其臨之鄉應在吳之分位耳

### 興安縣志

卷二 星野 二

漢書所云吳地斗分野乃就南斗而言舊志此條遞附會聊存卷末以備參考

天官書南斗為廟其北建星建星者旗也考要斗北宮之宿北

玄武七宿之一 夏秋之間見於南方故曰南斗按星經南斗六星狀如

北斗亦曰天機南二星魁天梁也中央二星天相也北二星天

府建也又云建六星在斗背亦曰天期豫章十三郡南饒廣等

十二郡俱斗分野惟九江郡斗牛分野廣郡居諸郡之北上弋

居廣郡之北興安又居上弋之北建星居斗之北興安分野在

斗建之間尤為核而可據

宋黃庭堅曰勾吳之區維斗所直其言與諸史符合玉山

候貴溪同郡而舊屬會稽卽牛女各不相混占侯者有乙巳丁巳之分焉章世純以信屬麗斗六星二十五度週數千餘里不爲分晰則二十八宿分野圖說爲精矣較然者勿淆渾然者勿鑿故歷證以資博考而歸宿要莫踰初指焉通志

明初龔敷分鉛山爲光澤崇安北界北接上饒弋陽入南斗八之頭九之尾三分數之間星紀之次於辰在丑於數建星較歷來志天文者以信爲居斗七度猶爲核而可據興安轄地彈黑乎七屬其分野固宜與他邑等申志

### 興安縣志

卷二

星野

三

占驗

正月 斗建寅日在室 一雞二犬三猪四羊五牛六馬七人八穀其日晴所主之物有陰則災元宵日初占百果日中晚

早稻

二月 斗建卯日在奎 驚蟄雷鳴 主本月多雨次月旱妨農

三月 斗建辰日在胃 三日聽蛙聲午前鳴高田熟午後鳴低田熟唐詩云田家無五行水旱卜蛙聲

四月 斗建巳日在畢 立夏日青氣見東南 吉否則歲多災立夏與小滿日宜雨

五月 斗建午日在井 夏至得時豐稔之候諺云夏至在月頭有喫也生愁夏至在月中就擱難米翁謂米價平也

六月 斗建未日在柳 立秋在月晦則早稻遲諺云六月立秋要到秋七月立秋不到秋

七月 斗建申日在翼 七夕以前占河影沒三日而復見則穀賤七日而復見則穀貴

八月 斗建酉日在角 秋分一日不宜晴中秋月光則無魚雲  
重則知次年元宵多雨

九月 斗建戌日在房 自一日至九日  
凡北風則穀價賤以日占月可知

十月 斗建亥日在尾 荆楚歲時記天時和暖似春人謂之小  
小陽春一日宜晴諺云十月初一晴柴炭灰樣平此月宜

多雨

十一月 斗建子日在斗 冬至日青雲見北  
方吉應來歲豐稔否則主旱災

十二月 斗建丑日在女 大寒  
小寒多風雪損畜

四季甲子 春甲子雨赤旱千里夏甲子雨搖船入市秋甲子雨  
禾生菰耳冬甲子雨雪飛千里此唐俚語驗諸時令

不

四季甲申 大雨穀價大貴  
小雨穀價小貴

### 興安縣志

#### 卷二

#### 星野

四

按漢書謂陰陽之精其本在地而上發於天縣志於分野  
之星宿詳列占驗雖亦以示人修省之意然侈言休咎類  
於讖緯之誣茲不具錄至田間歲時占驗事關民食王政  
所先古二至之書氛祲三時之紀風雨同其義也詳著於

篇

興安縣志卷一

地理志

疆域

我

朝一統天下版圖之廓百倍唐虞於戲盛矣然眾星雖拱北辰而纏次各有一定北辰者

京師也眾星者州縣也興之在斗不及一度即合上弋亦昭昭之多耳雖然究不得謂非吳之分野也故繼星野而志疆域

興安縣志

卷二

疆域

五

縣東西廣七十里南北袤一百五十里東抵上饒縣界四十里西抵弋陽縣界三十里南抵鉛山縣界二十里北抵饒郡之德興界一百二十里府志

按興邑輿圖繡錯於上弋兩縣之間有歷上饒地百餘里而始抵興地者如十五都是也有越弋地數十里而始抵興地者如三都十二都是也地之相去遠近不同此姑著其廣袤之畧耳前志

靈山鄉

在十五都二圖

安輯鄉

在十七都二圖十八都十九都二十都二十四都二十七都

石橋鄉 在三十一都

以上俱上饒撥入名上鄉

招賢鄉 在三都下四都五都六都七都上八都下八都九都

太平鄉 在上十都下十都十二都

孝誠鄉 在五十八都五十九都

以上俱弋陽撥入名下鄉

居仁坊

協和坊

敦谷坊

俱在縣治東街

易中坊

尊美坊

俱在縣治西街

服義坊

在縣治南街

### 興安縣志

#### 卷二

#### 疆域

六

崇文坊

在縣治北街

以上俱在縣治城內

上里塘

即上密口

金剛嶺

客人街

即茅山脚

操場裏

樟柏源

葉家壠

內塢壠

黃泥嶺

花亭子

官山壠

金城街

復城街

周家山

柳仙村

沙坑

上茅坪

中茅坪

下茅坪

祈雨嶺

以上係下十都附居縣治城外

瑄山

附給事樊鑑八景詩 石壁自奇峭飛流一道泉雷霆喧  
白晝蟬螻落青天雪色照人冷波光濺地圓農家仰餘潤

大旱亦豐年 石壁飛泉 又博士張深詩 麻姑遺跡  
在絕頂有空壇 祇見千年檜 誰留九轉丹 為霖駐稿稼遺  
佩委芳蘭鳥 爪堪搔背徒  
思興亦關 仙壇古跡

東山 石塘塢 石排灣 紅蓮塘 烏石塘

樓底 鍋舖 草坪 鳥山 張家塘

獅子巖 大塘沿 史家塘 孫家塢 犬山口

燕壠 王公坂 潭頭嶺 界連 藍村坂 柏家坂

以上係三都在縣治之西距城三十里

楓作坂 新陂坂 張公圳 長家灣 中洲

虎山脚 上舖 下舖 姚家壠 灘頭

### 興安縣志

#### 卷二

#### 疆域

七

茅坪洲 白沙嶺 花塢前 潭上 前湖塘

冷水塘 瓦石塘 黃家排 石排 詹公橋

前詹 後詹 打石塢

以上係下四都在縣治之西距城十里

青板橋 流橋港 峽口灣 白雀舖 坂頭

上源塢 祝家塘 柴家塢 唐坑塢 陸家碓

烏塘 洋塢 打鼓墩 宋坂 南坑

瑞棗塢 會家塢 王塘 周家坊 游家源

九股樟 薛家村 高陂 萬家壠 許家排

以上係五都在縣治之西北距城三十里

潮塘 曾家橋 胡家碓 陳大塢 薛家亭

梅家壠 吳家坳 草鞋亭 葛塢 青塘

蓮塘 艾家村 曾家凸 山裏姜 坂背

游家源 湖口嶺 麻蓬裏 琉璃朱 葛沙壠

梅塘 黃泥山 姜家壠

以上係六都在縣治之北距城三十里

西洋舖 石塘坂 徐家坊 流源坑 巖山降

徐家墩 大源塢 洋裏徐 沈家壠 港邊

興安縣志

卷二

疆域

八

李家山 王圳 蔡塢 王家排 大塢基

方家嶺 高橋 對沙壠 華源 張家村

程家村 胡家村 樂壠頭 烏田灣 夏家嶺

雄嶺降 地多煤廠

以上係七都在縣治之北距城十里

岑港坂 毛家村 小滿坂 楊家壠 馬巖店

黃家村 中軍坂 吳家寮 石坑壠 桐嶺

詹源壠 石壠頭 余橋壠 倒礮 孔家村

陳家村 紀家寮 螺源 茶園裏 沙田



高坂 王家塘 洋裏洲 排上 童家村

黃沙 樟老源 柯家村 鄭家村 新塘頭

蛇塘 獺墩洲 高臺洲 龍尾坂

以上係上八都下八都在縣治之東北距城二十里

黃籐橋 黃籐灣 大桐塢 小桐塢 朱家源

丁家村 柳家村 靛青塢 界石鋪 鮎魚山

鍾家店 大橋 南坂 林家坂 黃竹港

汪家碓 王坑壠 廟脚底 寨背 周家村

黃家村 陳家村 黃塔石 梅家庄 趙家村

興安縣志

卷二

疆域

九

蝦蟇 沙棟 坳上 西瓜地 猴源嶺

以上係九都在縣治之東距城十里

滕家坊 蓮荷洲 大山源 石匣源 游源

東源 毛源 南洋源 上孫村 黃沙源

黃坑源 舊名銀坑 西洋源 白水源 天井源 七里壠

蝦蟆坑 破塘 郭家墩 王家山 林田坂

上汪村 下洋村 下葉村 迴龍廟 界連弋境

以上係上十都在縣治之南距城十里

豬亭村 宴望村 陳塘坂 范家村 詹家港

烏石塘

義

門界連下游村界連

青山巒

界連鉛境

打米嶺

界連鉛境

以上係十二都在縣治之西南距城三十里

姜村

附大理寺丞汪淵八咏

隱隱南山秀層層列畫屏雲開

留月白戶啓見峯青

南山掛榜

高峯東獻秀中有讀

書臺風吹花入硯竹送月盈杯

東岫書臺

清流一溪

水汎月上孤巒時時牽畫舫載酒共盤桓

西溪曲水

飛瀑寒落澗潺湲弄清音可以滌塵慮無煩揮素琴

北

澗響泉

白茅十八洞愛爾洞雲閒最是神仙境飄然不

可攀

白毛仙洞 烏嶺煙霞暮怪石現奇蹤仙人留此

記靈異古今同

鳥土靈蹤 魏峯相對立中有一孤井

井水潑如月照見碧天影

雙峯聖井 林林寶樹列仙

鶴巢其間曉天一長喚聲振南北山

七寶鶴林

# 興安縣志

## 卷二

疆域

十

李村

樟檻

湖頭

溪邊

中村

彭家塢

茅村

漢源

天坂

小東塢

雙河口

分水村

芋荷灣

葉家村

烏石頭

開源

童西坑

梘霧山

上田山

白茅塘

平陽

鄭坑

東源

杉樹塢

火燒板

上楓嶺

界連界排石

界連黃土嶺

界連水磨塘

界連德邑

以上係十五都在縣治之東北距城一百五十里

篁村

附御史舒鰲八景 隴雲千頃煙雨春幽村關戶迎芳茵  
時聞擊壤發幽吟此地應有耕莘人 黃畝農謳 村居

俯矚清溪流下有漁父來扁舟滄浪一曲蓼花秋何當天  
子寤寐求 浯溪漁唱 一峯卓筆天外馳猗猗松竹凝  
朝曦古來嵩嶽人文歸百年  
豪傑會昌期 荷峯呈秀

陳村灣 東汪 西汪 澁源 浮田塢  
蔣坑 界連山田 平港

以上係十七都在縣治之北距城一百里路通徽饒

湖口嶺 重山 詩載山川 半山源 沙坂 白菓園

石橋 黃樹塢 朱家源 黃坂 黃泉水

外洋塢 上黃溪 下黃溪 楓樹塢 橫坑

密坑 裏洋塢 樟塢 蔣塢 鴛塘岡

### 興安縣志

#### 卷二 疆域 十一

清溪嶺 界連弋邑

以上係十八都在縣治之北距城八十里

南源 在葛源村四山高聳唐進士鄭政居此通志

龍井降 黃栗坑 將軍坑 畫獅嶺 磨角嶺

桃花灣 祝家壠 上坂 下坂 謝家坦

楊家山 考坑 清湖 蔡村 港背

許嶺坂 上蘇源 下蘇源 上坑源 樟墩

汪塢 蔡家壠 烏石降 周家山 柴塢

拖尾山

以上係十九都在縣治之北距城六十里

葛

源環源皆山羅列如城舊有劉周鄭楊四姓望火樓居民稠密科名不絕

附學博鄒夢蓮看燈記 余去夏蒞興安聞葛源村有白石書院為黃勉齋先生高弟劉公養浩講學之所即欲一往以志景行公事匆匆卒未暇也其村人有爭訟上元花燈會田前邑侯慮其人眾滋事獄久不決且詞連諸生二人余亦惑之今年新春少閒肩輿至其地即得叩所謂白石書院者諸生款留信宿復以觀燈為請時維上元前三夕但見千炬塞途簫鼓騰沸問之則曰劉姓燈也而蔡氏周氏連夕無間其燈形製各殊不相襲諸生又為余言前明進士大中丞鄭公毅因地多牛疫教鄉人上元賽燈以禳之故今相沿不改每歲孟春十一日燈以鄭氏始十六日亦以鄭氏終而元夕客鄉之燈尤為鉅麗惜乎天雨連綿余止得觀三日不無以未觀其全為憾也夫葛源居萬山之中四面如環土地平衍峯巒特秀居人悉以耕讀為業自昔號稱醇厚又承 國家重熙累洽休養生息富

興安縣志

卷二

疆域

十一

庶之餘溢為歌舞不可謂非盛事而鄭公一人創之於前經數百年成為風俗則其為人亦大可思矣記曰修其教不易其宜齊其政不易其俗又曰百日之蜡一日之澤然則張弛互用文武之道且然為政者又何疑哉爰屬楊生仕翰為上元竹枝詞以紀風土而余亦以斯遊為不可已也故畧述所見聞如此 附錄楊仕翰葛源上元竹枝詞  
風光倏忽又新年萬戶千門作上元莫說繁華多破費昇平無事答 皇恩 迎神驅疫防前朝爆竹如雷人似潮十一開頭十六了大家排日鬧元宵 頻將故事演年年海蜃樓臺陸地船更有幾回奇絕處女郎天上打鞦韆 巧製燈形費剪裁龍跳鳳舞去還來火城忽變為花塢千樹山茶萬樹梅 隨燈鉦鼓太紛麗排子翻新未肯降最喜鬧中還得靜笙簫沿路唱崑腔 人人身裏赤城霞鱗次行來整復斜街上忽然齊註脚誰家店裏放蘭花街上人多慢慢行 金釵玉珥照廊明看盡紅燈便欲行聽道神來齊萬福願燈長賽妾長生 雲鬢簇簇店門排月色花容掩映佳何處有燈何處看阿儂偏喜上中街

蔡村乍轉快如梭布席羣飛金叵羅五百年來風最古三千烟戶樂如何又邑令徐駟詩巍巍古信州山勢胡險峻葛源一村落何代開蹊逕峯巒週四圍其高皆千仞翠壁自巉巖紅泉相掩映中央乃平疇泉甘土亦潤溪流蜿蜒來石梁長虹亘桐裡植道旁松杉滿山磴居民有千家大族數四姓詩書述祖德衣冠從先進黍稷致孝養耕稼樂田畷豐足無追呼雞犬亦甯靜但解慕唐虞不知有魏晉昔稱桃花源此間無乃近我本茗水漁風昔喜幽勝下車岑山陽尋山造茲境父老杖鳩來兒童竹馬迎我非此中人見者駭觀聽咸為具雞黍相約來問訊豆邊竭禮數揖讓致恭敬不識近浮華樸誠由天性荒祠信宿留秋雨路泥濘佳節近重陽登山阻清興美屏若仙姝窈窕明粧靚笄尖擁髻鬢旁列類妾媵仙巖杏難攀幽懷托吟咏水石有良緣閒居少悔吝安得買山居結廬守吾分勿學問津人出山心悽悽重來忽迷途雲山不可認翰林劉定之詩市遠紅塵隔村居頗似仙晴雲長護竹青草自生烟水遠青蘿合山迴綠樹連更看幽勝處猿鶴下山田又雜咏詩古刹無人深且冥落花香點草青青鐘鳴白晝

興安縣志

卷二

疆域

松風發元鶴一聲塵夢醒數畝雲烟二月春一犁紅雨杏花新願祈歲稔輸公稅擊壤含歌作古民一種靈苗可駐顏不羈塵網入丹山夜來火熟丹山就海鶴高飛山月寒憶昔何人此避秦桃花開落幾經春石橋流水依然在那有漁郎到問津學博鄒貽笏詩攀磴援巖曲徑幽蕭蕭風雨伴清秋千章古木攢雲出百道飛泉繞石流野碓無人春自急山桐結子落還留危巔繫馬頻遙望烟火村庄一轡收

桃源 高山 劉村 南村 西坑

徐塢源 大嶺 嶺下 西塢 黃山源

水路口 龍頭 斜塢 牛腸嶺

以上係二十都在縣治之北距城六十里

霞坊 村之西偏有五股樟蒼鬱輪囷蔭廣一畝數百年物也方氏世居其下

附進士歐陽儀十咏 名園春色深芳草鋪地匝亂紅點  
 翠茵片片手可掇 花園拾翠 高阜起田中類印突而  
 峙笑語社中人青雲在平地 社印青雲 虹橋與蘭亭  
 今古兩奇絕不晤蘭亭人猶記蘭亭帖 虹橋曲水 地  
 幽人跡稀鳥語山自靜鐘聲時一聞客夢午初醒 寶刹  
 疏鐘 遠山浮曲眉輕烟抹青黛不是陽臺雲那得有此  
 態 眉嶺朝煙 仙人已冲舉憩石跡猶在我亦厭塵勞  
 捫蘿增慷慨 石壁懷仙 石潭圓如鏡月色相蕩射冷  
 然心地空水月總非迹 鏡潭皓月 東臯風色佳攜朋  
 當九日口咏淵明詩手把菊杯吸 東臯醉菊 潭水千  
 尺强雪甚魚不餌底事龐眉翁欲釣此中鯉 鯉潭釣雪  
 帆帆黃華尖暉暉日初出霞綵助青妍嵐光濕欲滴  
 華峯 旭日

重石坂 山口 何壠 龍井壩 前壠坂

雲臺山 洞源坂 黃茅嶺 東洋坂 油菜壩

興安縣志 卷二 疆域 十四

下洋坂 烏田坂 青山坂 婁山 茅坂

烏壠 瑤村 方源 鄭塢 井塢

高門 迎山 王家邊 界連上邑

以上係二十四都在縣治之東北距城四十里

靈西 蔴姑山 山頭 黃泥坂 大塢嶺

何家壩 王家橋 墩上 茅塢 前山

上嶺頭 獅源壠 鄭塢壠 樟源 蛇塘

姜源壠 新塘頭 余塘 倉邊 施村

蔣源排 棕樹壩 石門檻 石灰嶺 新庵

葛塢 下徐 柴坂界連上邑 火燒壩界連上邑 蔣塢

王坂 水源 西塢 坂上界連上邑 塘沿

港東界連上邑

以上係二十七都在縣治之東距城二十里

司路舖 三角地 官塘源 宋村 爐前村

大地村 高塢 魯源灣 白石山 王家塢

傅家村 上張坂 古樓村 郭前村 草池村

大板地 東流村 塘下 犁壁礮上下 南庄村

倉上 周柏塢 鷺鷥塘 港西界連上邑 蕭家坂界連

興安縣志

卷二 疆域

十五

上邑 劉家塢界連上邑

以上係三十一都在縣治之東距城四十里

下洋坂界連 謝村灣界連 龍潭橋 金雞山 楓陂

銅錢山 朱嶺 滕家洲 蘆裏趙 洲村

渭沿 曾家塢 許家排 毛家山界連

以上係五十八都在縣治之西北距城三十里

徐村 西山灣 黃雀壩 鳴山岡 睦坑

牌樓底 魚頭 張家源 胡家墩 橘樹塢

直源塢 肥頭坂界連 紙皮塢 謝家塢 涂家村

江家村

杜家塢

毛家塢

何家壩

界連  
七境

以上係五十九都在縣治之西北距城四十里

興安縣志

卷二

疆域

十六



興安縣志卷一

地理志

沿革

興自改鎮為縣以來迄今僅三百餘載宜與他邑之沿革  
紛如者有間矣然以蕞爾偏隅上下經度數十年先後建  
白十餘官出入訐謨密勿論思始克詢謀僉同耆定爾功  
則改革建置良匪易易司牧者庸可傳舍視之而弗盡瘁  
於守土涖民之職乎志沿革

縣距府治西八十里初名橫峯鎮浙民以陶為業故名審設了

興安縣志

卷二

沿革

十七

巖巡司領之明正德六年裁巡司八年設管審通判嘉靖三十  
九年割上饒西北弋陽東北地置縣隸江西布政司

國朝因之編戶凡二十有三里

府志通志編戶二十一里按割上饒都八十五都分為一二圖

三十一都分為一二圖得十里統割弋陽都十三共二十三里府志通志乃就原都核計也

